

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	I joshur nga Putini, Xi dhe Trumpi, “mjeshtri i manipulimit” përballet me provën e madhe: Vuçiq lë Preside ncën dhe synon postin e kryeministrit
ADRESA	https://www.gazetatema.net/rajoni/i-joshur-nga-putini-xi-dhe-trumpi-mjeshtri-i-manipulim-it-perballet-me-pro-i585360
BURIMI	gazetatema.net
GJENDJA	online

KOHA


KAPUR NGA NE	11 shtator 2026, 10:24:01 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	11 shtator 2026, 10:20:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	3b4588ab08e0fad92acfd12d95228e4a8bdfdf460936e05d943b6e629b603c77
TEKSTI	2fec4bc113be2f723264505c9bbe220bbaee8e773eedb8ae142cc3cbe336200e
PAMJA	35d084b2dcf32810a44d89da54cbe075d6dadacadea6ba1672baaa4c4fffb72

ZINXHIRI I PROVËS

KJO HYRJE	b5e228c809ee5a591e2364473e96e775850d305e2b73975d80a6aca1f3b4d036
E MËPARSHMJA	—
RRËNJA MERKLE	c5d4f18c1372e286dcfa2ead5cacb7df1dd7896145b666162f010e6a361385f7
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahajo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/b5e228c809ee5a591e2364473e96e775850d305e2b73975d80a6aca1f3b4d036>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [Politika](#)
- [Sociale](#)
- [Kronika](#)
- [Ekonomia](#)
- [Editorial](#)
- [Antena](#)
- [Blog](#)
- [Rajoni](#)
- [Bota](#)
- [Kulturë](#)
- [Sport](#)
- [Lifestyle](#)

English

Built and Monetized by

[Kontakt](#)

English

le I joshur nga Putini, Xi dhe Trumpi, “mjeshtri i manipulimit” përballet me provën e madhe: Vuçiq le Presidencën dhe synon postin e kryeministrit Pikaso Republikan
fundit

I joshur nga Putini, Xi dhe Trumpi, “mjeshtri i manipulimit” përballet me provën e madhe: Vuçiq le Presidencën dhe synon postin e kryeministrit



11 Shtator 2026, 12:20Rajoni TEMA



Presidenti serb, Aleksandar Vuçiq, ka njoftuar se do të largohet nga Presidenca në përfundim të mandatit të dytë dhe do të kandidojë për postin e kryeministrit në zgjedhjet e parakohshme parlamentare të tetorit. Lëvizja mund t'i mundësojë atij të shmangë kufizimin e mandateve presidenciale dhe të ruajë kontrollin mbi politikën serbe.

Prej më shumë se 14 vitesh, Vuçiq ka dominuar skenën politike të Serbisë, duke ndjekur një strategji të kujdesshme ekuilibrimi mes Bashkimit Europian, Rusisë, Kinës dhe Shteteve të Bashkuara. Ai ka ruajtur marrëdhënie të afërta me Vladimir Putinin dhe Xi Jinpingun, ndërsa në të njëjtën kohë ka kërkuar mbështetjen e Donald Trumpit dhe ka vazhduar negociatat për anëtarësimin e Serbisë në BE.

Megjithatë, zgjedhjet e ardhshme pritet të jenë prova më e vështirë për pushtetin e tij. Serbia është përfshirë prej afro dy vitesh nga protesta të drejtuara nga studentët, të cilat nisën pas shembjes së strehës së stacionit hekurudhor në Novi Sad në nëntor të vitit 2024, ku humbën jetën 16 persona. Demonstratat u zgjeruan më pas në një lëvizje kundër korrupsionit, kufizimit të lirisë së medias dhe mënyrës autoritare të qeverisjes.

Sipas raportimeve, telefonat e disa drejtuesve të protestave janë vënë në shënjestër përmes programit të përgjimit “Pegasus”, duke shtuar akuzat ndaj autoriteteve. Duke shpallur zgjedhjet, Vuçiq pranoi se vendi kishte kaluar “turbulencë të mëdha”.

Vendimi u mor vetëm pak ditë pas funeralit të Ratko Mladiçit në Beograd, ku morën pjesë mijëra persona. Edhe pse Vuçiq nuk ishte i pranishëm, në ceremoni morën pjesë disa ministra të qeverisë së tij. Bashkimi Europian kishte paralajmëruar se një ceremoni shtetërore për një person të dënuar për krime lufte ishte e papajtueshme me statusin e Serbisë si vend kandidat. Funerali nuk u shpall zyrtarisht shtetëror, por u organizua praktikisht si i tillë.

Kjo ngjarje nxori sërish në pah aftësinë e Vuçiçit për të kënaqur njëkohësisht bazën e tij nacionaliste dhe për të shmangur një përplasje të drejtpërdrejtë me Brukselin. Gjatë viteve '90, ai ishte pjesë e një force ultranacionaliste që mbështeste trupat serbe të Bosnjës, ndërsa më vonë u rikrijua politikisht si konservator proeuropian dhe themeloi Partinë Progresiste Serbe.

Pas pushtimit rus të Ukrainës, Serbia refuzoi t'u bashkohej sanksioneve europiane kundër Moskës dhe vazhdoi të ruante marrëdhënie të ngushta me Rusinë. Në maj, Vuçiq mori pjesë në paradën e Ditës së Fitores në Moskë, në krah të Putinit dhe Xi Jinpingut. Megjithatë, vetëm dy muaj më vonë, Komisioni Europian rekomandoi hapjen e kapitujve të tjerë në negociatat për anëtarësimin e Serbisë.

BE-ja mbetet partneri kryesor tregtar i Beogradit dhe e konsideron integrimin e Ballkanit Perëndimor të rëndësishëm për kufizimin e ndikimit rus. Brukseli ka gjithashtu interes për rezervat serbe të litiumit, të nevojshme për prodhimin e baterive dhe teknologjive të gjelbra. Megjithatë, fuqia ekonomike e BE-së nuk është shndërruar në ndikim të mjaftueshëm mbi qeverinë e Vuçiçit.

Ndërkohë, presidenti serb ka kërkuar afrimin edhe me Donald Trumpin. Edhe pse Uashingtoni ka ushtruar presion ndaj Beogradit për varësinë nga nafta ruse, Vuçiç ka premtuar një pritje madhështore për presidentin amerikan nëse ai viziton Serbinë. Projekti për ndërtimin e “Trump Tower” në Beograd u anulua nga Jared Kushner pas protestave të forta.

Në të njëjtën kohë, Serbia ka thelluar bashkëpunimin me Kinën. Investimet kineze janë rritur ndjeshëm, ndërsa gjatë vizitës së tij në Pekin, Vuçiç mori nga Xi Jinping “Medaljen e Miqësisë”, nderimi më i lartë kinez për një shtetas të huaj. Kina është tashmë partnerja e dytë më e madhe tregtare e Serbisë pas BE-së dhe ka ofruar ndihmë për ndërtimin e centralit të parë bërthamor të vendit.

Por në zgjedhjet e tetorit, Vuçiç nuk do të mund të qëndrojë mbi palët. Koalicioni i udhëhequr nga Partia Progresiste Serbe përballet me sfidën e “Listës Studentore”, krahu politik i protestave, e cila synon të kandidojë figura të papërfshira më parë në politikë.

Analistët vlerësojnë se opozita studentore mund të përsërisë një skenar të ngjashëm me atë të Hungarisë, ku një sfidues pa mbështetjen e mediave dhe pa burimet e pushtetit arriti një fitore bindëse. Vuçiç pranoi zgjedhjet pas më shumë se 492 ditësh presioni nga studentët, me bindjen se është ende mjaftueshëm i fortë për t’i mposhtur.

Nëse fiton dhe rikthehet si kryeministër, Vuçiç mund të vendosë një aleat të besuar në Presidencë dhe të ruajë kontrollin politik të vendit. Nëse humbet, zgjedhjet mund t’i japin fund epokës së tij 14-vjeçare në pushtet dhe strategjisë së manovrimit mes Moskës, Pekinit, Uashingtonit dhe Brukselit.

Lini një Përgjigje

Koment *

Emër *

POSTOJE KOMENTIN

["Zgjedhëm të keqen më të vogël për Kosovën", Hashim Thaçi për Gjykatën Speciale: E shmangëm Rusinë, sot po paguaj çmimin në lëkurën time](#)

10:20 Rajoni / 5 komente

[Kosovë/ Pas zgjedhjes së Albulena Haxhiut, Kuvendi mblidhet sot për nënkryetarët](#)

08:15 Rajoni / 2 komente

[Korfuz/ Arrestohet 51-vjeçari shqiptar, dyshohet se abuzonte sistematikisht me mbesën 8-vjeçare](#)

21:35 Rajoni / 5 komente



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.